



鄭如絮 小姐

閩南語 · 散文 · 社會組

第三名

得獎作品

桂花若開

得獎感言

母語予我揣著親情的溫暖，這篇散文，送予一世人相倚上親的阿媽。多謝你！

桂花若開

窗仔口，風的聲調窸窣窸窣，佇四界躑躅，略略仔生冷的涼風，敢是春天的尾氣來咧相辭，面前的一甌燒茶，便若掀起甌仔蓋，微微仔的燒氣，衝出薄薄仔的霧霧，若像，有你的形影，含帶熟似的氣味，佯爾仔向望時間會當停暍落來，停佇咧咱相倚的日常，每一句對話，攏像綿綿春雨全款，沓沓滴滴掖佇咧門窗，掖佇咧咱親情燒烙相倚的心肝頭，春天是一冬向望的開始，無應當是咱一世人緣份的結尾，薄薄仔的日影，溫袂燒彼坵失落的冰冷，溼溼的目墘共珠淚，穿做一揸摸袂斷的數念。

驚蟄拄才旋過門埕，沉暍踏塗底的蟲豸嘛勻勻仔翻身矣，萬物當咧伸勻，草木綴咧暴穎生滋。

厝前的簾簷跋，彼幾若穢我佻阿媽，自幼茁就開始墊的桂花欉，佇狹穢穢的坵仔內，青春鮮沢的枝骨已經拍毋見，敢講春天花神掖落來的甘露水，恁攏承無著，枝骨佻葉尾攏焦焉仔焦焉，袂輸去予人苦毒的新婦仔，無捨無施，規欉是瘦枝落葉。

記持無張無持來拚鬥，袂記得有佻久矣，攏無去注心伊的花開花謝的輪迴，據在伊自由生滋佻拋荒。季氣寬寬仔咧反變，後母面的春天，嘛綴節氣的舞臺，褪掉彼領欲寒毋寒，欲熱毋熱的衫仔裙。

門口埕雄雄起一陣落帽風，共規坵的桂花欉搨甲險倒倒去，焦焉的落葉綴風飛來面頭前，落 -- 咧跋邊，這一幕煞去觸著家己的心肝穎仔，彼个刁工閩過，毋願想起的心疼。

目矚前，阿媽上要意看顧的桂花欉，盍會按呢葉枯焦焉去矣，本底平靜的心窟仔，拍起陣

陣的水決，一輾滾開一輾的糾絞，搖 -- 咧，搖 -- 咧，彼陣剝袂離的撼鑽。

薄薄仔的日影，對後面炤 -- 咧身軀，倒炤踏塗面的，是家已徙振動的影跡，記持駛迴過時間的流溝，轉去早前阿媽 -- 咧沃花的形影，一幕閣一幕 -- 咧腦海裡放影。浮出往過媽孫仔同齊墊種看顧的花欖，親情滿漣相伴的溫暖，底當時，彼个形影煞拍毋見矣，敢是，家已刁故意共記持填底？

一片焦焉的落葉，攪柄出記持的情緒，紡蕙轉去較早的日子，逐工，下晡時仔，日頭若落軟的時，阿媽慣勢共細條 hò-suh-kóng，摸倚來身邊，勻勻仔沃花，輕手細膩修剪枯葉焦枝，我定定綴咧伊身軀邊，跔步那徙那共阿媽鬥相共，繼 -- 咧，一支喙若 lá-lí-oooh 的放送頭，齏齏唸啾啾叫，「阿媽 -- 阿媽 -- 按呢 -- hooh，傷過頭厚工矣啦！」

花欖連鞭無去予日頭曝死，煞去予水淹淹死，根頭會爛了了啦，阿媽攏共我當做猶是較早彼个猴因仔因，逐擺攏文文仔笑，講我話話唸會拍觸衰，花神會無歡喜，按呢花就開袂嬌。其實是無愛阿媽傷過勞碌，見擺我若欲替手，阿媽攏有伊家己的堅持，閣較按怎講 -- 嘛九十外歲矣，我哪甘予伊按呢佇遐起起落落變園藝，毋過伊講這是咧運動，叫我愛有歡喜心，歡喜伊遐爾仔濟歲矣，猶會行會動，毋是倒佇咧眠床哼呻予人搨屎搨尿。講實在話 -- 嘛有影是按呢 -- 啦！我愛感恩菩薩的庇佑，予伊跔健手健，若講著遮的桂花欖，阿媽有伊家己一套撇步，佇伊用心看顧下，有影是逐欖攏鮮沢仔鮮沢，便若花期到的時陣，逐欖花莓都攏開甲密密，久久仔落一擺肥，成禮拜就共修剪一下，阿媽講穎若發傷懸，花就開袂嬌花莓就袂密。

自阿媽過身了後，數數 -- 咧，頭仔尾 5 冬外矣。毋知家己是真正無閒工抑是使貧惰性，猶是缺欠勇氣面對，咱媽孫仔同齊看顧花欖的日子，這幾冬罕得去注目花欖的生長，是毋是驚花芳貫過鼻空，無挂好會共數念的心門拍開，共猶未啟峇的心疼，拖落去沉重滿塗內面？愈躡愈深底？

下早起，一陣輕微的桂花芳，綴風貫過鼻空，薄薄仔的芳味，精神家己歹晒癱的懶屍性，

佇簾簷跔巡巡看看 -- 咧，遐的桂花欖，拋荒甲葉尾焦枯，離離落落的枝骨，佢較早相比並，真正是天差甲地。彼陣輕微的花芳，無疑悟是遮的桂花欖炭出的味，倚倚去共斟酌看 -- 咧，有影結出一撮一撮細細蕊的花莓，這陣心思煞規个拍結毬，絞甲家己頓蹬一睷，喙裡喃 -- 咧，喃 -- 咧。毋知是對花講，抑是對家己講。桂花欖啊！你堅強的韌性，遐爾仔拚勢，佇咧無施肥無沃水的塗肉底，猶是芽懸焦瘦的枝骨，為這個家恬恬仔放送清芳。親像阿媽在生時，為這個無精從的死查某鬼仔，用臺灣女性堅強認命的個性，為我弓出一片遮風闌雨的天篷。一直到你 95 歲辭塗歸天，攏是無怨無嘆，佇咧鼓舞矢志驚惶的我。

記持的色水，像千里鏡摸倚近的鏡頭，往過的影像一幕閣一幕親像放電影全款，愈來愈明顯，迴過記持的溪河，泗過界線……！

彼條你常在咧麗坐的籐椅，搖 -- 咧，搖 -- 咧，唸寡沓沓滴滴的過去，有當陣仔，我嘛綴咧烏白喋詳，陪你破豆拍柄涼，聽你講較早佢阿公是按怎拈家起家的老故事。雖然是餹閣餹，餹過算袂清楚的百外擺，我猶是聽袂 siān，逐工，便若食暗飽，你猶閣會佢我相爭欲窮碗箸，這是你一世人對我寵倖的疼心，這幾冬無你的日子，我像失去炤光的燈塔全款，佇茫茫的大海揣無倚靠的駁岸，生活中的沓滴，欠點你的聲音來安搭我雜糙的心情。

逐工暗來時，當當電視八點的連續局欲起鼓的時陣，我攏會緊猛共茶桌的家私撫予好勢，揀一泡你佢意的薄茶，桂花若開，就用細个 phiat-á 咧簾簷跔，輕手捻寡桂花，掖咧你的甌仔底，燒水沖落去，甌仔內衝出貼心的清芳，佇厝內炭開幽雅的氣氛，彼个芳氣就親像你一世人無怨言的溫馴。

看著簾簷跔，彼幾若坵焦焉的桂花欖，心肝頭陣陣的歉意，目屎佇目墘崩盤，「阿媽原諒我的不孝佢無注心」。無應當逃閃面對無你的日子，共咱同濟墊種的親情花欖，據在風吹日曝的拋荒。準講遐的花欖換做是我，你決定袂予欠點的空虛，佇閩縫的日子裡，據在歲月的流溝，共牽挽咧心穎的根脈，放予瘦枝落葉……！

Huê 掉滿面的目屎，共頹垂的精神穿懸，緊猛對花市去，買幾若穠幼茁的新穠，閣 hàinn 幾包仔雞屎肥塗，轉來厝裡，跔咧簾簷跤共一坵閣一坵的花穠，換新塗墊新穎，雄雄覺醒的心，斟酌共思考，真正拋荒去的，是我彼粒矢志逃避的心，毋敢面對無你的事實，遮的桂花穠，煞親像你全款，遐爾仔韌性，遐爾仔堅持。

共坵裡的焦塗，倒出來佻新塗搜拈做伙，一勻掩過一勻的肥塗，若像咱相倚的日子，一工過一工，親情像樹根遐爾仔勇壯，挽牢咧塗肉裡，毋願認輸釘根拚勢活落去，這嘛是你對我，毋捌徙振動的愛，一直一直佇遐看顧出出入入的我。便若坎一勻塗，就想起，你在生時交代的每一句話，真正拋荒去的毋是花穠，是我矢志的心向。一勻塗一層仔水，閣濫寡不中用的目屎，盤好的花穠，隨展現出性命力的鮮沢，心窟仔底，彼塊拋荒的缺欠，嘛綴僥振動的塗肉佻新穎，予燒烙的日花炤甲有新的體悟佻覺醒，親像注入一港活水。重新閣活起來矣。

輕手佇坵裡，挽幾蕊仔桂花莓，掖 -- 咧尅架桌的敬茶內，浮咧甌仔面的花蕊，有你慈善的笑容，略略仔衝出的清芳，淚咧厝內，有咱一世人相倚的溫暖。

桂花若開，敬茶有味，一穠線香，輕煙微微，接繼咱，天上人間摸袂斷的親緣。